

第五三三冊

博物彙編

草木典

禾穀部

稻部

粱部

黍部

粟部

麥部

稷部

秫部

(卷)

三

三

三

三

三

三

古今圖書集成

中華書局影印

Z 225

2

欽定古今圖書集成博物彙編草木典

第二十三卷目錄

禾穀部彙考

詩經幽風七月 小雅大田 大雅生民 曾

禮記曲禮

周禮夏官職方氏

春秋緯運斗經 說題辭 莊棣荇 住助期

禮緯斗威儀 稽命徵

孝經緯援神契 鈞命訣

山海經海內經

淮南子天文訓 雲雨訓

說文釋木

廣雅釋草

小爾雅廣雅

古今注九穀

廣志木部

瑞應圖嘉禾

博物志物志

格物總論穀總

郭蒙駝種樹書穀部

直省志書長治縣 歷城縣 齊東縣 新城縣 臨邑縣 長清縣 樂陵縣 濟南府 濟寧府 德化縣 臨邑縣 長清縣 樂陵縣 濟南府 濟寧府 德化縣

陸游集東平州 汶上縣 高平縣 祥符縣

禾穀部藝文一

穀詠

禾詠

清暑殿覽嘉禾贊

魏曹植

前人

宋孝武帝

嘉禾表

嘉禾頌

上穀充軍糧序

嘉禾合穗賦

嘉禾合穎賦

何人賦嘉禾賦

爲蘭守泰嘉禾表

廬州進嘉禾表

中書門下賀恆華州嘉禾合穗表

賀嘉禾表

賀嘉禾表

禮部賀嘉禾及芝草表

奏汴州得嘉禾嘉瓜狀

摺苗賦

賜答張商英上仰山瑞禾表手詔

進仰山瑞禾圖宋大雅表

偃師嘉禾頌

擬常熟縣開國侯穀實進封常熟縣開國公加

食邑實封制

代穀實謝表

嘉禾記

嘉禾賦

嘉禾賦

嘉禾賦

嘉禾賦

嘉禾頌

劉義恭

沈演之

梁元帝

唐肅宗

張真祥

趙蕃

張說

符載

權德輿

柳宗元

張仲素

無名氏

韓愈

楊濤

宋哲宗

張商英

李悅

胡琦

前人

金姜國器

明沈鯉

許國

陳經邦

劉儻秀

嘉禾頌

岐陽嘉禾頌

路縣嘉禾頌

路縣嘉禾頌

路縣嘉禾頌

劉公嘉禾碑記

嘉穀亭記

嘉禾碑記

禾穀部藝文二

奉和聖製至長春宮登樓觀稼穡之作

觀稼

古風

太和戊申歲大有年詔賜百寮出城觀秋稼謹

書盛事以俟採詩者

詠嘉禾合穎

嘉禾合穎

朝會樂章

宋大雅十三章

送吳叔舉主簿往清江受納秋苗

插秧歌

秋日

嘉禾瑞麥詩

看刈禾

嘉禾頌

瑞麥嘉禾頌

張勉學

王維

王維

王維

王維

韓邦端

邢嵩

張佳映

唐蘇頌

白居易

李紳

劉禹錫

孟簡

無名氏

宋史

張商英

王庭珪

楊萬里

金趙元

明吳伯通

高啓

解縉

李三友

瑞麥嘉禾吟

張朱明

穀靡靡

王道

禾穀部選句

草木典第二十三卷

禾穀部彙考

詩經

關風七月

九月菜場圃十月納禾稼黍稷重稷禾麻菽麥

注禾者穀連蔓結之總名禾之秀實而在野曰稼

先種後熟曰重後種先熟曰稷再言禾者稻秫菰

粱之屬皆禾也廬陵羅氏曰稻稈也秫糯也菰

雕菰也亦作雕胡即板桑所謂雕胡飯本草注曰

稻米有稂有糯秫米是粟秫似黍米而粒小不堪

爲飯最粘宜作酒菰又謂之茭白歲久中心生白

臺謂之菰米臺中有黑者謂之茭鬱至後結實乃

雕胡黑米粱米皆是粟類孔氏曰麻與菽麥則無

禾稱故於麻麥之上更言禾字以總諸禾耳

小雅大田

既方既皂既堅既好不稂不莠去其螟螣及其蟊賊

無害我田穉

注禾方房也謂孚甲始生而未合時也實未堅者曰

阜穉幼禾也注孔氏曰穗上已有孚甲孚者米外之粟皮甲者在孚外若鎧甲之在人表蟲災禾穉者偏甚

又

彼有不穫穉此有不斂穉彼有遺秉此有滯穗伊寡婦之利

注長樂劉氏曰穉謂穗之低小刈穫之所不及者

穉謂刈而遺忘束縛之所不及者秉謂束而輦載之所不盡者滯謂刈而折亂棄穫之所不逮者皆

緣豐稔故也

大雅生民

誕后稷之穉有相之道弗厭豐草種之黃茂實方實

苞實種實稊實發實秀實堅實好實穎實粟即有邵

家室

注禾相助也言盡人力之助也弗治也種布之也黃

茂嘉穀也方房也苞甲而未拆也此清其種也種

甲拆而可爲種也稊漸長也發盡發也秀始穰也

堅其實堅也好形味好也穎實繁碩而垂末也粟

不批也既收成見其實皆粟然不批也

誕降嘉種維維維維維維維恒之恒恒是穫是畋

恒之糜芑是任是負以歸肇祀

注禾降降是種於民也書曰稷降播種是也恒黑黍

也恒黑黍一稊二米者也稊亦粱粟也芑白粱粟

也恒偏也謂偏種之也注孔叢子魏王問子順曰

寡人間昔者上天神異后稷而爲之下嘉穀答曰

天雖至神未聞下穀與人也詩美后稷能大教民

種嘉穀以利天下故曰誕降嘉種猶書所謂稷降

播種農植嘉穀也

魯頌閟宮

黍稷重穰種稊麥奄有下國俾民稼穡有稷有黍

有稻有秬

注先種曰植後種曰穰注孔氏曰重稷種穰生熟

早晚之異稱非穀名

禮記

曲禮

黍曰薺合粱曰薺其稷曰明粱稻曰嘉蔬

注黍熟則黏聚不散其氣又香故曰薺合粱穀之

強者其莖葉亦香故曰薺其稷粟也明足以安神

祭祀之飯謂之粱盛蔬與蔬同立苗蔬則茂盛嘉

美也

周禮

夏官職方氏

東南曰揚州其穀宜稻

注易氏曰稻生於水澤之地經言稼下地是已揚

州居東南之極及支川下流之所歸厥土爲塗泥

爲沮洳故其穀宜稻

正南曰荊州其穀宜稻

河南曰豫州其穀宜五種

鄭康成曰五種黍稷菽麥稻

正東曰青州其穀宜稻麥

河東曰兗州其穀宜四種

鄭康成曰四種黍稷稻麥

正西曰雍州其穀宜黍稷

東北曰幽州其穀宜三種

鄭康成曰三種黍稷稻

河內曰冀州其穀宜黍稷

正北曰并州其穀宜五種

鄭康成曰五種黍稷菽麥稻也

春秋緯

運斗樞

璇星明則嘉禾液

說題辭

天文以七列精以五故嘉禾之滋莖長五尺五七三

十五神盛故連莖三十五穗以成盛德禾之極也

感精符

日下淪於地則嘉禾生

佐助期

咸池主五穀

禮緯

斗威儀

君乘木而王則草木豐茂嘉穀竝生也

稽命徵

天子祭天地宗廟六宗五嶽得其宜則五穀豐

孝經緯

援神契

德下至地則嘉禾生

鈞命決

五政不失百穀穰熟

山海經

海內經

稻膏黍膏稷百穀自生冬夏播琴其城方三百里蓋天下之中素女所出也言米好皆滑如膏播琴猶播種方俗言耳

淮南子

天文訓

孟夏之月以熟穀禾雄鳩長鳴為帝候歲

雄鳩布穀

攝提格之歲稻疾菽麥昌

單閼之歲稻菽麥蠶昌

執除之歲麥熟

大荒落之歲麥昌菽疾

敦牂之歲稻疾菽麥昌禾不為

協洽之歲稻昌菽麥不為

涒灘之歲菽麥昌

作鄂之歲菽麥不為禾蟲

掩茂之歲麥不為菽昌

大淵獻之歲菽麥不為禾蟲

困敦之歲蠶稻麥昌

赤奮若之歲稻疾菽不為麥昌

墜形訓

維水輕利而宜禾平土之人慧而宜五穀

東方川谷之所注日月之所出其地宜麥

南方陽氣之所積暑濕居之其地宜稻

西方高土川谷出焉日月入焉其地宜黍

北方幽晦不明天之所閉也寒水之所積也其地宜菽

中央四達風氣之所通雨露之所會也其地宜禾

木勝土土勝水水勝火火勝金金勝木故禾春生秋死豆夏生冬死麥秋生夏死齊冬生中夏死

說文

穀續也百穀總名

禾嘉穀也以二月而種八月始熟得時之中故謂之禾

廣雅

釋草

稷稻其穗謂之禾

小爾雅

廣物

稷謂之稗稗謂之芻生曰穀謂之粒菜謂之蔬禾穗謂之穎截穎謂之銓拔心曰摠拔根曰擢把謂之秉

秉四曰管管十日稷

古今注

九穀

九穀黍稷稻粱三豆二麥

廣志

禾別種五

渠禾蔓生實如葵子米粉白如麪為饘粥牛食之肥

六月種九月熟

感禾扶疎生實似大麥

楊禾實似薏粒細左折右炊停即牙生

巴禾木稷也

火禾高丈餘子如小豆出粟特國

瑞應圖

嘉禾

嘉禾五穀之長盛德之精也文者異本而同秀質者同本而異秀此夏殷時嘉禾也

博物志

物產

五土所宜黃白宜種禾黑墳宜麥黍蒼赤宜菽芋下

泉宜稻

格物總論

穀總

穀種之美者也其爲種也不一考之前載有三穀者粱稻菽是也有言五穀者麻黍稷麥菽是也有言六穀者稻黍稷粱麥菽是也有言九穀者稷秫黍稻麻大小豆大小麥是也有言百穀者又包舉三穀各二十種者爲六十蔬果之實助穀各二十是也蓋人食之則飽不再食則饑未有不資以爲生也然不種則不生不時則不穫故古者重穀而務農焉種以時而生以時耕以時而穫以時人事盡焉地利盡焉天時應焉苗而秀秀而實昔春而種者子粒耳秋而收者萬顆也昔春而入土者升斗耳秋而登場者倉箱也國與民俱足獨不在此乎故聖王必貴五穀而賤金玉

郭橐駝種樹書

穀麥

凡種五穀用成收滿平定日爲佳小豆忌卯稻麻忌辰禾忌丙黍忌丑秫忌寅未小麥忌戌大麥忌壬大豆忌申凡九穀不避忌日種之多傷敗種諸豆子油麻大麻等若不及時去草必爲草所害

耗雖結實亦不多諺云麻耘地豆耘花麻須初生時耘豆雖開花亦可耘

種菜豆地宜瘦

臘日種麥及豆來年必熟麥麥苗盛時須使人縱牧於其間令稍實則其收倍多麥屬陽故宜乾原稻屬陰故宜水澤

小麥不過冬大麥不過年

麥最宜雪諺云冬無雪麥不結

種麥之法土欲細溝欲深耙欲輕撒欲勻曬麥之法宜烈日之中乘熱而收仍用蒼耳葉或麻葉碎雜其中則免化蛾

直省志書

長垣縣

方物穀有白穀紅穀推穀晚穀鹹穀

歷城縣

方產穀諺雖云一麥勝三秋然歷人以穀成爲大有其名有百餘種

鄒平縣

物產白穀粒白圓大俗謂粟穀米

新城縣

物產穀名甚多大約黃白二種

齊河縣

物產穀有黃白數種

齊東縣

物產白穀黃穀數十種

禹城縣

土產有黍穀

臨邑縣

物產穀有齊頭白大白小白粱穀毛穀龍爪小猪尾刀把齊蚱蟬脚獨脚黃紅黍穀母雞頭鐵鞭頭旱不愁倒尋根漫梁窠女兒笑拖泥秀親不換瓦屋裏吾士以穀爲命故詳

長清縣

物產穀有黃白數種

樂陵縣

土產白穀黃穀紅穀粱穀

濱州

物產穀有黍穀粱穀粘穀米各異

霑化縣

物產穀之品齊頭白黃毛尾大金錢小金錢十弟兄黑林穀白林穀紅林穀奪麥場王穀黃穀金壓

鉅野縣

物產穀黃白紅黑四種

東平州

物產穀黃白黍穀

汶上縣

物產穀黃白二種

保德州

土產粱穀穗有毛米白黍穀有紅黃二色大穀有紅黃二色

平陸縣

土產穀有青白黃三色秫穀有紅黑黃三色皆堪釀酒其先熟者曰疾穀早穀他如臨老變御絲雁爪黃荊子黃蒲川黃龍爪秫黃瓜秫益隨象而異名耳

襄垣縣

物產麻穀黑穀白穀穀米皆白紅穀皮紅米黃白不
老角長六七尺斧斬齊穗齊頭米色白

沁源縣

物產梁穀青穀白穀黃穀紅穀黑穀林穀李朝穀桑
根穀虎尾穀毛間穀流沙穀龍爪穀寶子穀劉秀才
穀十搗杆穀臨秋變穀鐵霸齒穀

高平縣

物產穀黃白青紅數種精潔美腴甲於他郡

祥符縣

物產青穀白穀黃穀紅穀

洺川縣

物產穀有黃白青數種

遂平縣

土產穀屬六月先繩兒穀龍爪穀紅青穀酒穀水穀
搭過梁申魚穀大青穀氣穀風凍穀寒粟豆兒穀山
東穩壓塌車猪咬齊

禾穀部藝文一

穀詠

魏曹植

於穆聖皇仁暢惠渥辭獻誠膳以服饌獨和氣致祥
時雨灑沃野草萌芽變化嘉穀

禾謳

前人

猗猗嘉禾惟穀之精其洪盈稍協穗殊莖昔生周朝
今植魏廷獻之廟堂以昭祖靈

清暑殿薨嘉禾贊

宋孝武帝

維殷粵周有德表禎祥乎合矣超瑞高覺非原非澤

乃瑞乃靈庶精天貺廣茲化清

嘉禾表有頌

劉義恭

臣聞居高聽卑上帝之功天且勿違聖王之德故
能影響二儀甄陶萬有鑒觀今古採驗圖緯未
有道闕化虧而禋物著明者也自皇運受終辰耀交
和是以卉木表靈山淵效寶伏惟陛下體乾統極
休符襲逮若乃鳳儀西郊龍見東邑海會獻編
之羽河祇開侯清之源三代象德不能過也有幽
必闢無遠弗屆重譯歲至休瑞月臻前者躬藉南
畝嘉穀乃植神明之應在斯尤盛四海既穆五民
樂業思述汾陽經始靈囿蘭林甫樹嘉露頌流板
築初就祥穰如積太平之符於是乎在臣以寡立
承乏槐鉉沐浴芳津預覩冥慶不勝忭舞之情謹
上嘉禾甘露頌不足稱揚美烈追用悚汗頌曰
二象攸分三靈業主齊應合從在今猶古天道誰親
唯仁斯輔皇功帝緒理冠區宇四民均極我后體茲
惟機惟神敬昭文思九族既睦萬邦允釐德以位敘
道致雍熙於穆不已顯允東儲生知風敷嶽茂淵虛
因心則哲令聞弘敷繼徽下武儼景辰居軒制令宮
漢興未央矧伊聖朝九有已康率由舊典思燭前王
乃造凌霄遂作景陽有萬景陽天淵之渙清暑爽立
雲堂特起植類斯育動類斯止極望江波遍對岳峙
化德惟達休瑞惟懋誕降嘉種呈祥初構甘露春發
禎穰秋秀於今匪烈嗣歲仍富昔在放勳曆英數朝
降及重華倚扇清庖鏤矣皇慶比物競昭倫彼典策
被此風謠責臣六蔽任兼兩司既思仲哀又慚鄭繻
豈德備泌樂道明時敢述休祉愧關合辭

嘉禾頌

沈演之

煥炳禎圖昭斯瑞典運傾方闕時亨始顯綿狀既章
鳥文斯辯於聖聖辟承物紀遠明兩辰麗昌輝天衍
其理妙位崇事神業盛淵渥德澤虛寂道政協化安
心調樂移性玉衡從體瑤光得正臣星垂采景雲立
慶其極仁所被罔幽不攘至和所感靡況弗彰爲出
丹穴鸞起西廂白鹿踰海素鳥越江結慶穹陰儀形
鐘陽其治人奉天適勤適格儼未似載高厚已積嘉
禾重穆甘露流液擢秀辰畦揚穎角澤離庭合豪榮
區陰斥其盈箱散殷貫桑表周今我大宋靈凱綢繆
帝終揭諱諱思勿休躬薦宗廟溫恭率由降福以誠
孝享虔進其頌頌推功登徽獻詒恩覃隱顯實延荒
徵河清海夷山華嶽燁燁琛寶兼澤委效日表地
外改服請教其茂對盛時綏萬屢豐厭歸素秩秩
大同上載諸用下知所從仰式王度俯歌南風鴻名
稱首永保無窮其七
上穀充軍糧啓
梁元帝
臣聞金城千仞必資守粟革車千乘共在饋實願武
車綏旌列飛鴻之行陣奉辭受賑拚驚獸於驅虎賈
遠渠水雖曰難蹤梁習勸農猶知自勉
嘉禾合穗賦
唐潘炎
天祚明德分降之嘉生案彼靈篇今莫之與京脉震
土膏且分苗於南畝期臨天漢爰合穗以西成當元
后之歷試表休徵於太平不秀不稂實堅實阜引薰
風於和氣承湛露於蒼昊生非百里驗管仲之虛詞
出異崑山自我皇之所寶在瑞圖之右爲曠代之祥
唐叔得之而合頌周成得之以充箱雙米一稔稱之

表異孤莖六穗頌以非常今也尤盛居然允臧轉風而屢騰佳氣就日而交見祥光獨天不生託厚載於富蠱非聖不感效元符於我皇我皇得之熾而昌風之起今雲之揚嘉禾之瑞未可量天子億載臨萬方

嘉禾合穎賦 張貞祥

南山之下今無人之境力穡此中今均夫蹂躪勞則不憚既寒耕而熟耘慶有所歸忽異畝而同穎茲聯惜芄芃之色秀合垂葦葦之影此焉觀瑞亦祇以異比於木乃連理之祥在於人蓋同心之義梓已聞於二米莖乃殊於九穗豈非德之能及實聖朝之所致爰考休徵豐年是應麥兩岐而能匹茅三脊而徒稱固神倉之可貯期郊廟之以升欲薦堯階且聞程程之穫將登禹膳遂人浮浮之杰天道元默瑞以表德豈無沃土而光於我家豈無異方而祚此王國不有嘉生孰謂寶榮友朋之心因取興於連茹兄弟之樂遂作戒於分判佇聞唐叔之獻頌我后之升平

何人獻嘉禾賦 趙蕃

聖上崇國本致時康動元象之昭鑒產嘉禾而應祥何人於是具其舂鉅修封疆啓芳穎於修畛薦靈象於我皇懿夫挺拔自分連舉相接始種穰穰而齊實終矯矯而異葉殊其本均二氣以發生同乎心表一德之和協不然者寧擢秀於墳衍載其美於圖牒徵其瑞質稽彼大同見芬敷而共貫信榮結以交通則知符乎帝道發自天功合穗之珍方將效祉於今日異畝之美豈獨標奇於古風於是野老歡心田夫盡力宛移根於沃壤之際俄發耀於丹墀之側祥煙近拂乍疑連理之形喜氣旁臨更辨合歡之色彌彰執契之

道載助惟馨之德爾其天鑒非遠神珍是呈始苕苕而間出終夭矯而曲成豈比躬稼之時盡化晉君之草挺生之歲克符漢帝之名向令質委離披孤生莽尊安得臨玉砌邇龍袞設種桂之萌芽為理化之根本是知六府惟序萬邦式孚茅三脊而非偶獸其軀而自殊未若耀青芳於近甸垂嘉貺於靈囿况復聖慮彌深皇猷思永梯山航海未足契其休光非食卑官將欲示其豐省斯所謂騰茂實於厚地故薦穗於重穎

為雷守奏嘉禾表 張說

臣某言臣聞天聽自人神和在德代非乏瑞罕遇開泰之期福不虛徵必俟休明之主伏惟天開金輪聖神皇帝陛下仁覆萬靈孝理四海功莫高於尊祖道莫大於配天嚴備郊禋崇肅宗祀秩百王之禮兼六代之樂恩溢膠庠訓優更老政每先於帝籍役不素於農時嘉氣橫游祥風紛灑騰文燁色九光連合於貞明逸輩殊倫百寶駢滋於動植臣今月日奉進旨吉望鳳臺慶山體泉之瑞其日於山陵東柏城內得嘉禾一本臣初見架苗互蘖香穎垂秋嘉玩繁滋欽觀成粒左右無識折以呈臣異其綠葉綬舒蔥芒璧秀熟視奇狀乃知嘉祥下則異畝合莖上又同連雙穗昔雍熙之代政理之君雖道出應時而生不擇地未有託根神域彰孝德之能深吐秀壽宮助泰盛之豐潔此蓋睿誠通感靈祐降祥中古以來未覩斯美臣籍慶宗枝久沐星潢之潤躬持瑞穎預奉天保之符忭悅之誠倍兼恒品

廬州進嘉禾表 符載

臣某言得廬州刺史裴靖狀稱興縣百姓唐海母喪廬墓手自耕植以備祠祭無何於粟田之中輒產嘉禾一本六穗一本五穗即時差錄事參軍朱寧丁寧考驗事狀明白臣聞感天地者存乎誠通神明者極乎孝藎而為精粹發而為禎祥上元與之獻酬后土為之泄露故使騰芳高隴擢穎清秋冠九穀之英英增大田之藹藹此皆陛下聖德茂鴻化洽名教立風俗厚生人之內有淳孝靈瑞之下有嘉禾邁風烈於前王煥丹青於唐史不然何幽贊元答其若是乎臣猥以鈍劣祇守風土宣陛下之思澤撫陛下之庶庇觀茲盛美光榮耳目不勝懼忭踴躍之至

中書門下賀恆華州嘉禾合穗表 權德輿

臣等某言伏見武俊所奏恆州鼓城縣生嘉禾一本合穗又盧徵奏華州郿縣太平鄉三交里獲嘉禾一穗者謹按孫氏瑞應圖曰嘉禾者五穀之長王者德茂則生伏惟陛下德叶元功仁育生類同穎擢秀殊祥並時甘周道既昌唐叔以獻表天下和平之兆為陰陽所合之符五穀登成百嘉儲祉發於厚載集是休徵况嶽嶽之方表章繼至感通昭晰莫甚於斯臣等忝列台司喜倍恆品無任欣忭踴躍之至謹奉表陳賀以聞

賀嘉禾表 柳宗元

今月某日宰臣以幽州所進嘉禾圖各一軸示百寮者伏以嘉穀順成靈貺格天人合應遐邇同心伏惟皇帝陛下睿謀廣運神化旁行植物知仁祥圖應聖靈嶽嶽不愆於贊佑燕谷用遂於生成豐稔隨均知

朔南之被澤休嘉克叶見天地之同和六穗漸稱於漢臣異畝恥書於周典自中形外均慶同歡臣謬職憲司復觀嘉瑞無任忭躍之至

賀嘉禾表

張仲素

臣某等言今月某日伏見平盧淄青等州節度使鄆州大都督府東平縣官莊地內有禾異雙雙本合成一穗畫圖奏進傳示百僚者臣等謹按瑞應圖曰王者德茂而太平君臣和則嘉禾朱草以甲萌言不得中和之氣即不生也伏惟陛下鼓和氣茂林德泰階平於上下大中建於人臣神明是若徵兆必報通彼殊雙總其雙莖滋大澤以冥造成嘉穗而薦和合爲一彰至化之會同堅而好表資生之豐實推物類以得天意觀緒事而擬豪篇凡在班行咸同慶幸不勝云云

禮部賀嘉禾及芝草表

無名氏

伏見今月某日內出劍南所進嘉禾圖及陝州所進紫芝草示百寮者珍圖煥開瑞彩交映遐邇偕至福應攸同伏惟皇帝陛下緝熙至道保合太和天惟發祥地不愛寶嘉禾擢賀靈草抽英獻於王庭唐叔慚同穎之異薦諸郊廟班史謝連葉之奇既呈疑藎之祥更觀煌煌之秀豐年斯著聖壽用彰飲和之人歡忭無極臣等優游至化披翫殊慶忭之誠倍百恆品

奏汴州得嘉禾嘉瓜狀

韓愈

謹按符瑞圖王者德至於地則嘉禾生伏惟皇帝陛下道合天地恩霑動植無不協遠無不資神人以和風雨咸若前件嘉禾等或兩根並植一穗連房或

延蔓敷榮異實共帶既叶和同之慶又標豐稔之祥感自皇恩微莖何植於造化親逢嘉瑞小臣喜遇於休明

擬苗賦以無助苗長

楊清

苗生有漸分時不可踰揠而求長今是謂甚愚謂坐致其滋茂翻立見其萎枯欲速之成雖切受登之理則無計牽挽之功雖則勞止在播植之道不亦疎乎原夫勢惟探撮心則陵遽曾本固之靡思徒末大以生慮附麗無所同伐木而斷根援引靡辭似拔茅之連茹苟離根而去本必有損而無助然則抽札奚補枯槁是招雖盡區區之意彌損凡凡之苗助長且乖於載績速成空望於一朝殊不知潤以膏澤託茲沃壤待天時以煦資地力以養諒物生之有恆何力拔而能長豈不以立心有惑措手無疑俄見宛其死矣猶云有以助之不發悟於盡瘁空深迷於務滋謂短長皆由於已謂遲速不繫於時勢而無功殄乃自致方握蘭而勢並比稗草而功異增高之望莫從盡揠之助爰至徇躁求之性始望如雲乖馴致之方終貽委地逆其理而如是傷其物而由斯欲益爲謀冀有秋之彌疾過求生害嗟不日而已萎是以君子明於休咎每因緣於根本不苟且於華茂推於命侯於時無若宋人之大謬

賜答張商英上仰山瑞禾表手詔

朱哲宗

御筆張商英省所上表袁州仰山太平興國禪院園中產穀一本兩莖七穗事具悉博原效祥嘉禾毓秀和氣所感元貺昭彰匪枉匪枉以挺生如砥如京之

將見卿爲時柱石秉國鈞衡召此至和實惟變理忽披羊牘曲盡形容實野充箱行慶豐年之兆歸美報上不忘忠藎之誠省覽已還益深嘉歎

進仰山瑞禾圖宋大雅表

張商英

臣近上表袁州仰山瑞禾蓋春秋書大有年乃魯侯一國之事今天下稔而珍祥發於嘉穀則春秋所書何足道哉伏蒙聖恩賜以詔答宸翰天文輝照赫屋溫詞德意淪浹肌髓臣竊惟天保之詩君能下下以成其政故臣能歸美以報其上垂之六經詔之萬世臣敢不拜首稽首對揚唐聖之不顯休命謹繪瑞禾圖作宋大雅十有三章繕寫圖如右進以聞

偃師嘉禾頌

李悅

皇帝即位之三年洛之偃師縣得禾異畝同穎縣令臣李悅再拜受禾獻狀於府府以圖上推古按牒以贖厥理惟食在民功配天而民惟國本本固則寧故王者貴農重穀以宥天下然則瑞之在禾明務本也異本同歸示無外也神爵亦應芝房奇禾之祥比茲福矣臣職司是邑謹拜手稽首而作頌曰

於皇化淳開乾格坤不赫厥耀禎祥闡珍時我田維億維衍滋秀沍靈協瑞殊畎畹日噫噫獻於縣師令受僇僕以權於府府不敢有歸於元后皇帝曰嘉天錫茂祉予實非祥筆在太史

擬常熟縣開國侯穀實進封常熟縣開國公加

食邑實封制

胡鉞

慶有年而介福入疏分井之封播攷績以昭明爰進植圭之秩乃瞻泰艱之惠載推報本之思允稷師言

誕揚渙號常熟縣開國侯穀實學深種植仁熟滋培一日無食則饑司民之命三代處農而教爲道之原其和足召陰陽之和其貴能賤金玉之貴幽歌始播婦德畝以勤勞魯頌于胥牧在垆而蕃碩行師則藉之輓粟徹疆則資之時權持常平使者之權視時登損佐地官司徒之職待國則頒賄庸既詠於屢書班祿宜先於增賦乃刻名於鏤壁乃彰用於學藝爰即侯疆就陞公爵于以重宅生之寄于以顯育教之庸於歲歲月日時無易而用明朕已建九疇之範水火木金惟修而禾賴爾其叙萬世之功益厲後嗣嗣有華寵可進封常熟縣開國公加食邑實封

代穀實謝表

前人

八政之疇曰食農喜慶豐九井之田爲公誤叨進秩增金錫寵擊壤知恩伏念臣函直無奇簸揚有視勿正勿忘勿助幸免揔苗實發實堅僅能維拒顧何修而何飾蒙載祚以載天子元日而祈於郊至勸聖駕承幸杪歲而制其用亦費廟謨偶六穗之告豐而三農之胥慶遽超榮於品祿仍加衍於戶租不祿而困賦負素餐之愧奏報而粒實歸牧藝之仁茲蓋恭遇皇帝陛下心應形聲化調風雨正德惟和惟叙舜厚其生休徵用乂用成禹敷其福異畝遂生於同穎靡田不挺於稠華雖已誇狼戾之秋或慮有謁形之歲獎職方而任貢升康氏以司儲畏令燕黍之微亦被周禾之命臣敢不茂加播殖益務滋生八月獲十月場力課服田之事九年耕二年食誓殫憂國之忠

嘉禾記

金美國器

天地之間賦象成形者有萬不同而以罕見者爲祥如麒麟之於走獸鳳凰之於飛鳥上則慶雲甘露下則醴泉芝草類皆不常出則所以爲瑞也嘗考諸圖牒即其實而較之嘉禾最爲上瑞何則嘉禾者穀之精也穀者生民之命有國之寶政之急務也夫穀之精英者出則百物阜成其可知已借使年穀不登民有饑色雖麟鳳在郊藪慶雲甘露出於天芝草醴泉出於地則將何益是知嘉穀之爲瑞大矣哉然則彼物果何爲出也是豈人力所能致耶是豈造物之偶然耶蓋嘗聞之和氣致祥又曰聲和則天地之和應今夫一郡一邑間豐凶之不同災祥之各異無不繫百姓之休戚無不繫吏政之賢否吏政失則邪氣茲不能無妖孽之作也吏政善則叶氣通不能無祥物之應也昔魯恭爲中牟令政有異跡是歲嘉禾生河南尹袁安上書言狀帝爲之異是以自古言賢令者莫不以魯恭爲首定湖小邑僻在一隅河濱山嶠間風薄俗鄙者久矣加之素乏賢令尹恩澤不流教化不宣挾姦肆巧習以成風相仍數政以至乖爭凌犯之變遽起於閭門愁恨歎息之聲稔聞於田里故向者早乾水溢之患無歲無之大定甲午文林郭君河間人諱震字伯起者奉命來宰是邑痛矯前弊其用心也公其從政也果其憂民也切弱者扶之強者抑之姦民無所容其迹巧吏不得措其手未幾三載政平訟理向之乖爭凌犯者化而爲禮義昔之愁恨歎息者易而爲謳歌是以和氣薰蒸陰陽調風雨時一方之民薦獲豐稔丁酉石州六縣被災者大半獨此一邦歲則大熟俄而有邑人白廣王詔同日詣庭

而告曰有異穀二本相隔數龍合爲一穗令豐然而語曰信如是說豈非嘉禾耶乃率僚屬趨而往視之果祥物也迎之以歸於是閭閻喧傳觀者如堵白叟黃童無不舉手加額皆曰昔之木旱相仍室家不保今則樂歲終身飽仰足以事父母俯足以畜妻子而又祥物顯應者如此非吾縣大夫德政所感其誰之力與翼日士民相率趨庭奉酒而賀不知手舞足蹈而歌詠滿前已而令乃顧謂士民曰此一境間兩獲上瑞所謂美之又美者非吾敢擅其美今聖天子在上衆賢和於朝萬物和於野日月之在臨舟車之所至無不被潤洽而大豐美故天不愛道地不愛寶所以嘉祥爲時而出當與斯民同鼓舞太平歌詠聖德而已豈敢貪天之功以爲己力吾聞善則稱君人臣之義也昔唐叔得禾異畝同穎獻諸天子周公旅天子之命作嘉禾名之書篇炳如日星輝映千載今歸美報上適其時矣乃緘未於匱仍圖其像具表以獻先聞於部刺史部刺史達於州自州而達於京師上自王侯貴戚縉紳士流下逮民庶爭先觀之爲快咸謂此瑞天下和同之象今萬獲二本乃太和之象也自春官用事從而太常禮官採摭故實聞諸朝堂乃於正月上日稱觴之天寶而進之使驚動萬國耳目爲一代美事先以照符用下本所獻者迴具聞前議邑人相告曰茲者上瑞並產吾土曠百年未易逢此以見聖朝格天之德高越於西周下以見吾縣大夫政跡之異不減魯恭之治中牟使千世後知吾縣有是美瑞吾縣長揚休天子表獻之力可不備記以示諸後

嘉禾賦

明沈體

惟帝籍之千畝接宸極之宮牆翕埃垣之瑞輝穆元辰於孟陽萃坤靈而厚載孕扶輿以發祥錯龍麟於原隰布饒刻於勝疆沁玉河之沃潤迥金露之膏滋拓周臺之靈囿陋漢苑之朱堂感華胥於禁萬闢融澤於扶桑禱農祥於地后震輝憤於天房蓋聖朝之所以先稼穡備蒸嘗展一人之孝思而關社稷之靈長者也粵惟我皇踐祚闡坤握乾仁寬義濊聖恩廣淵契七月之精蘊領無逸之真詮振天明而育德躬豐服於明禋履桑林而簡器望三素以祈年當東作之平秩舉大典於籍田親秉耒以三推御惠轡於青氈命后稷以播穀簡伯禹以疏羣班保介而終畝勞百辟於肆筵布陽和於九有暢聖澤於八埏爾乃精忱上達協氣旁通瑞駉聯臻靈貺雲從診氣神禦寶露時融宜暑宜寒十雨五風將及我私先急我公我黍翼翼我稷凡其既庭且碩實大以豐乃有嘉禾秀擢蒙茸或一本而多岐或數莖而同莖引瑞風以幻質濯玉漚而凝精陸離離以綴富燦燦采以含英落丹樞之芳潔燦燦蕊之晶瑩秉五七之恆德挺九穗之奇頑景連珠而合穎壹金玉而本生霑休特於甘雨銜滋液於璇星毓祥柯以五變耀泰運於九莖天施雨而匪瑞日淪地而有徵豐禮義之多富獵龍鳳之異名軼幽谷之蘭葩撝元圃之松苓彼紫麻綠苴豈嘉禾之與埒而碧麥靈苗詎並蔚而爭榮若夫粟雨炎帝瑞發軒轅陶虞異稱壽史書年成周合樞唐叔命篇字成雨於蒼頡頡頡著於鄭元卷野產之而名邑赤鳥因之以改元外此而朱萸曆於堯階紫蔥

苗於太原秀騰濟陰之境旅生建武之年稻孫揚蕤於金斗祥麟集食於武川敬仲乃啓封禪之所致汾陽極稱天瑞之可傳此皆帝不貴乎金玉而寶夫衣食之源故其政必調於國夏而時省斂於秋田之所致也乃有連義合隴七穗五岐三苗四熟珍綺紛披或北里之稱盛或元山之讓奇不周或呈其異種帝庭或獻自外夷或光熙九阿之議或香聞五里之滋是以繁瓊後稱於前代而昌符踵應於來茲孰若聖世之休禎炳靈灑於神祇實皇衷之淵塞特示象於疇舊既登八極於安和仍濟萬國於咸熙允阜澤之滑通羌弘化之寵綏於是田畯至喜耨夫載忻食日異故世所希聞薄言采之以獻吾君於惟皇上動華淑軌方且秉冲自下遏美弗居謂嘉穀之呈象豈涼德之克符實先聖之顯烈膺上帝之瑞圖也於是降明詔涓吉辰徵太師之九奏舉宗伯之十倫飭豆登而並薦慈樽俎以俱陳信曾孫之有道企皇祖之居歆於是大禮告成億兆歡忻東漸海隅西暨沙壩具瞻上瑞雷動風傳凡在廷之臣工咸稽首以屬言謂聖王治天下以孝而五穀爲王政之先茲者聖德廣運格於重元一人有慶兆民賴焉將使至治刑於萬國嘉祥載於晉天皇風暉暉王道平端冕垂旒四海晏然明明天子壽考萬年

嘉禾賦

許國

勾吳文學躋膺之燕會天子藻潤太平四方瑞應日奏闕下既聞有獻嘉禾者羣公畢賀盱衡濯慮而往觀之選徇華子與好古先生辨論金門之左拱而聽其語徇華子曰吾聞太和之氣醞釀堪與蓄極而

發奇珍乃撫祥風之所披拂膏露之所沾濡神不能關其粹天不能表其符湧濶逢涌溢爲嘉禾蓋冥搜於玉英茲快覲於皇都夫其陸海廣輪神膏沃衍龍首通渠魚鱗疊曉蔚封珍兮縱橫倬阡陌兮宛轉三推既倡今九尾作勞黃茂率滋今元功斯顯則有玉山異種北里仙英濟陽九穗崑崙五尋把光華於日月凝沆瀣於太清卿雲昭爛以垂覆景星燦燦而流晶毓非常之元化挺秀質於金堅爾乃穎擢丹霞類抱明月豐枝葦葦瑋幹芳潔或珠聯於異畝或琪映於同畝或兩儀分於混沌或五氣散於轉輻或參乎乾畫之精或象乎洛嶠之列其生也後稷降靈厲山遺烈種美璧於藍田萃商金於清樾其用也含哺萬國芬芳九閭頤天顏於五位肇王基於七月荷宸中之上瑞羌閱世而昭揭昔蒼姬之受命兮爰抽秘於唐叔逮白水之真人今值洪流而載育兮悠悠其歷劫兮嗟未問乎芳躅匪至寶之不可恆兮何寂寥於圖籙聖皇建極今超赫胥而軼大庭黃輿獻琛兮嘉禾乃登邇歲幾兮今畝遠耀聚兮八紘由顧命越於今茲兮果何方兮弗復亦何歲兮弗生保介紛綸而奏御奇祥雜選於汗青蓋千萬年之希賄而鴻濛剖判所未有之麻祖也謂宜陽岱嶽告成功勳蒼崖樹穹窿踴莢於堯除掩蟠桃於漢宮何爲乎僅升太廟之几聊陳尚膳之養茂洪朗而弗耀抑崇峻以謙冲意者聖人之盛德兮慮非所以章明賜而承昊穹於是好古先生拂然色厲正襟諤諤而復之曰異乎子言所謂見一斑之文豹蔽豐蔀而測星躔者也吾聞之彘桑暮拱殷道以興芝房協律漢業幾傾蒼麟

駟於獨乘黃龍炫於吳京謂愛者未必爲咎疑祥者未必爲禎其休其否此焉足憑嗟大鈞之寥闊兮二五交蒸神奇奧腐兮靡詭弗呈渺一抹一擠之榮亦造化之偶然兮夫何與於朝廷是故明王馭世不貴異物有就就而思慎曷顧顯於黼黻稽六府之重輕察三才之秒忽故以豐年爲寶民食爲天游神稼穡雅意甫田躬黛那御紺轅履穆清之宵旰祇求裕平元元如其耕耘不擾疆理盡力多黍多稌時萬特億百室開兮婦子寧百禮洽兮神人懌即大化之神明知協氣之融液雖無嘉禾奚損至德如其疆理蕪滿遂廢鳴條不時濯枝愆序田畯失其咨茹亞旅闕其樹藝黔黎艱食風教刈敝雖有嘉禾奚益世故今天子遠覽陶鈞之上庶幾歸禾之旨視厥方貢護而弗處有事寢園薦馨而已蓋俯徇乎百辟非則攸乎夸謏子大夫不究本原矜奇說異殊謬乎春秋之義諦未卒勾吳文學攝齊而進曰長卿有言楚既失矣齊亦未爲得也且皇天樹后以長世豈漠然其無情有錫羨以純佑或降威以宣懲伊災祥之大致固在昔其明微然而天道遠人道邇驗善惡之幾先視后德何如耳有禾芊芊明盛之年飛紫芒於堯陌垂金粟於舜田氣緣感而後應治有開而必先以此爲瑞端何疑焉若大帝澤未流嘉禾未穰播旨靈以扶疎潤怪雨而愛對雖併穗之可觀實陰陽之多戾出非其時是奚足貴名之曰妖又豈非類故夫麟一也遊郊者軒以之光西狩者周以之亡鳳一也岐山鳴而德茂穎川集而道荒彼四靈其畢爾豈茲禾之比方蓋以瑞稱之今瑞未可必以妖視之今妖亦非常亮神

霄之有意非臧否其茫茫維觀物而考德兮乃天人之並彰噫嘻爲妖爲瑞以昏以聖則大聖之握符必降康之恭盛方今巢燧當陽變龍布令步玉斗懸金鏡匹夫軫於宸衷三農重於八政春臺若登寒暑皆應是以震聲日景燬九元貢華喬嶽輸英大川極薰蒸而旁魄乃苗暢於天田所謂以和召和兮洵神理之自然豈比夫赤烏與泰始空託說於民間昔我高皇帝之紹天也虎旅戢而化成龍門獻其嘉穗肆貴天章用歌敬畏不侈大以自矜爰貽謀而錫類誠天寵其德而靈承其瑞於今觀之維上克配而先生不考於此一以爲希觀一以爲偶然弗原天而盡人得毋立言之少偏伊欲照金簡重瑤編表熙朝之鴻錄邁周烈於千年務昭明乎聖德乃論治之真詮文學語既從容而却先生敘客唯諾諸顧謂何華子曰此嘉禾之譏議也足勸賢而警虐庶幾風人用備著作

嘉禾賦

陳經邦

猗帝苑之天田紛布綺而錯繡德馨鬱而升聞發嘉祥乎黃茂原夫禾之始藝兮爰開藉於中春皇既祈於天宗分厥又零乎靈辰沃壤填腴而砥平兮清流映帶而還汎服蔥蒨而乘黛那兮動萬乘而躬履於是油雲沛布膏雨沛施后稷播種勾龍敷苗醴泉沃其靈根融臯豐其神機飴露滋其菁華和風披其緝枝有相之道日至而齊朱火既盈穰金斯屆舊舊攢攢與與旃旆阿那兮垂芒穎粟兮觀穗全千畝其鱗集兮九尾揚眉而告祥何莘連而穎兮今昭盛德如吾皇拂雲罕而曉萬兮映瓊殿而入蕊芬總總其盈

疇兮班陸離而充鑾兩岐挺而交秀兮三穗鼓而呈珍厥本盈百而餘二兮奇偶錯以相成夫景星麗天未若茲禾之繁碩而被阡慶雲彌宇未若茲禾之蒼翬而垂庾神芝朱草未若瓊脂玉粒可餐而飽寶鼎器車未若青茅赤穢可載而輸龍枝之委蛇可以軼黃暉鳳冠之旖旎可以謝文羽離離兮雙麗何用嘉瓜之並蒂油油兮參起何須奇木之連理使竟畝皆然兮豈啻千倉與萬箱將普天同兮又何羨乎員嶠之粟雍丘之梁信兩儀之訢合兮萬靈叶而助順貺忻忻其相告兮皇祝福而未命念稼穡惟實兮民食惟天后知天而得寶兮周以長年越我皇之臨御兮茲祥屢覲矧蕊甲之初旋兮重迎軒厝惟茲御廩之鍾藏兮蓋蓋簋簠之自實穆清廟而奠明粢兮又縮鬱蕭茅之所出庶微以敘而來備兮肇我公田翠華翼其至止兮省農以爲天下先乃受命之薄將兮迄又降康普厥明以率育兮誕告萬方皇謙讓而不有兮孰發其祥爰諏日而祝冊兮享於明堂光九廟之元靈兮擇我嘉書古矜盛於北里兮以登介丘周歸禾而作書兮對揚王休臣稽首兮而獻頌皇萬年兮以豫以遊

嘉禾頌

劉儲秀

夏禹登極教先稼穡南陽時若蒸民乃粒迨及成王化行越裳異畝同穎來獻於唐我祖開國混一南北民奠攸居品物咸植匪惟遐邑生茲瑞麥彼蒼蒼何私用彰有德聖主中興歲靡不登重恤民艱益切淵冰感召天地載敷庶徵福既綏之壽亦同增用作乘盛薦於郊廟啓佑子孫教乎仁孝億萬斯年曆祚綿綿

太史且述有光於前

嘉禾頌

張勉學

臣聞舜文治世而鳳凰出聖人御極而嘉禾生誠曠古之所未有而世之所罕聞者也欽惟皇帝陛下德同天地道合四時山川莫不效靈人民咸歸至治所以嘉禾迭生同穎異岐稽之慶星景雲醴泉甘露未必有盛於此是天所以昭皇上之德而愛養於斯民也皇上之德有格於天天下民粒食獨受於君賜是皆君臣和於朝萬民和於市萬物和於野順祥之徵實所兆也宜乎康衢之謠擊壤之歌不特見於堯舜之世而復見於今日臣叨蒙旨意歷事戶曹式覽顧祥莫名忻忭於是再拜俯伏而獻頌曰大哉皇王統於四方和氣致祥嘉禾聿芳同穎異岐秀實且張下民是仰聖德孔揚永祚皇圖萬壽無疆

岐陽嘉禾頌

李榮

萬曆龍飛歲在壬子鳳產嘉禾一莖四穗觀者如市實為祥瑞上陳直指慶其大有命載邑乘未垂不朽鳳翔李令拜手作誦其詞曰

粵稽成周農事開國后稷肇封播時百穀公劉建邦稷倉是積古公遷居非擇而處文王治岐耕者九一武受天命悉付疆宇成后踐阼日輔孺子無逸幽風告戒勤苦農殖嘉穀田畯至喜導迎太和享國長久自茲以還降年不末根本慮輕稼穡罔知五穀弗貴瑞應亦希皇明啓運誕生聖祖發祥准甸奮跡隴畝柄持太阿祚延三紀藉田躬耕賑恤苦和風威召瑞麥兩岐青田作頌實乘識之今皇嗣膺加惠黎元分陝以西疊罹凶荒竊轉溝壑壯散四方恭逢督撫

提兵捍圍疊額率服幸遶惠文捐贖煮粥順連乳哺方岳同心常平置倉道府承休節儉是倡岐陽袁氏慶積德門力抗權璫直聲振宇灌漑民田澤流中土維茲嘉禾實產彼畝一莖四穗觀者如堵詢茲黃髮前此罕睹嗟彼珠玉衣食弗能倖彼珍奇玩好是供維茲嘉禾利賴無窮實堅實好粒我蒸民如京如坻長我王國際此豐亨式昭大有洗腆致酒孝養父母賦稅早貢酬答聖主黃童拍手白叟杖節社飲扶歸共享太平余尹茲土深愧不斐作賦揚休以娛君子

潞州嘉禾記

李達

成化四年秋八月潞郡太守計侯為政之年品彙咸碩百穀用登禾生於郊一本二三穗四五穗者不可勝紀一本六七穗者得若干莖父老見而駭持以獻太守曰此嘉禾也唐中書上表稱頌一本合穗漢張堪化行漁陽麥秀兩岐今七穗共莖而隱於叢生者尚難悉數可謂允盛於古豈偶然哉良由吾侯仁浹義暢而強弱老幼各得其所禮達志定而貧獨高明各循其分固園虛頌聲作和氣感通之所致蓋聞之天子而萬一思寵有加焉庶慰吾民陽春寸草之私乎太守曰吁叟其過哉洪範不曰王省惟歲卿士惟月師尹惟日今天子仁育宇內天心昭昭靈應迭臻嘉禾一穗之徵有年之兆豈豈可當哉天子却祥瑞止貢獻謙冲自居不自滿假吾得一瑞而獻之雖不能開蕩侈心而實足以彰吾之矜吾矜之而人以潞為有年吾民其殆乎惟惕勵自持以逆天休以保其美而勿替乃吾與叟之事母吾再父老聞其語鬱然不自慊以告之余余曰計侯不以嘉禾為功而歸之

天子且稱焉固理之所宜分之所安然其光明正大不自矜持益有以昭其賢者且天下若是其大郡邑若是其夥嘉禾不別生而獨生於潞計侯果得辭其美哉更不必鬱然吾為記之貞珉以永彰爾太守之賢太守名昌字汝賢別號介菴天順丁丑進士世家饒之浮梁云

潞城縣嘉禾記

鍾銘

一日潞城庠生馬璣偕耆士申復振謁余告曰潞州所屬六邑潞城其一也成化戊子秋潞州及潞城郊關之外東阡西陌而禾之生或一莖六七穗者或一莖八九穗者凡其穰穰異畝同穎時老而耄耄幼而髦髦舉欣欣然有喜色而相告曰是嘉禾也乃上天和氣所結世不常有何獨於潞州及潞城哉想必吾邦守令之賢仁政感召耳於是各爭相集趨日以千數拜於庭下曰民被侯之深仁厚澤咸得以樂生業於畝畝今上天致此禎祥之應又何幸躬逢其盛焉侯遂喜而慰安之曰予宰是邦德未能修諸己才未能達諸用夙夜惶懼懼弗克稱有何善足以動天而界此嘉禾耶是蓋上有堯舜之君下有堯舜之民上天福吾民享太平之樂賡仁壽之域豈偶然哉民有復之者曰潞州屬六邑不過三四百里而嘉禾不產於他實由賢侯仁政感召何疑之有吾民敢不謀立貞珉以紀其盛於永久且潞州嘗記之矣今吾民丐先生一言以紀潞城之盛以彰杜侯之美幸毋靳焉夫嘉禾數得時之中木旺而生故始生於春金旺而死故熟於秋必得上天雨露以滋培之雷霆以鼓之然後能實穎實粟今其生也連莖合穎視他處之獲

十倍八九詎非邑令之賢臻此乎杜公諱彪爲大名魏縣人由鄉貢入太學擢令是邑秉心以公持身以正凡民利所當興者與之民弊所當革者革之仁洽而義暢禮達而分定頌聲載道譽績增崇宜天以嘉禾惠其民昔魏許謙守雁門而三生嘉禾漢張堪守漁陽而麥秀兩岐以至產於魯恭之庭得於唐叔之畝皆由數君子修德行政以感召之耳今杜公之在潞城德政日聞於朝惠澤日施於民可謂當時賢令矣豈不足以召嘉禾之祥而與古之守令齊驅並駕哉余特述潞民頌禱願望之辭以爲之記俾歸而刻諸石以爲來者勸云

潞城縣重生嘉禾記

屈銓

考昔成化四年戊子秋潞州所轄潞城之境內凡東郊南畝下隴平原嘉禾之生一莖七穎者有焉一本九穗者有焉是時大尹魏邑杜侯監春秋不書之旨不敢以爲嘉瑞而獻之亦弗敢以抑人情而闕之曲徇耆老之請鐫石邑庭以紀其歲月云爾越六年庚寅歲與圖之廣若郡若邑元陽爲戾旁互千里而潞城獨有時雨之濡凡藩憲守令大小羣僚俱以旱災之由十去二三而杜侯獨蒙褒獎之異迨是歲西成而嘉禾之生復如前歲耆老會集相與採諸郊拜而獻之杜侯曰噫是穀也類粟蕃碩固云嘉矣得非取諸他邑而誑我乎耆老答曰厥穗之七而一莖者則生於某所之田也厥穗之九而一莖者則產於某所之隴也尚有之非止此耳侯拱手而言曰予樂泮宮之化登虎榜之列謚字斯邑已七年於茲夙夜兢兢懼不能勝是何瑞應而復生於此耶茲蓋幸遇

聖神功化之極公卿薦渠之至經文緯武而熙洽之治成體信達順而中和之氣應其禎祥之應久矣奚翅茲禾哉言未畢民有應於下者曰昔周公獲歸禾之命張堪得麥秀之謚孟都有九穗之異故人君得其人守令善其政嘉穀禎祥各隨其地而生和氣之應豈有間哉惟我杜侯律身清介蒞職忠勤視財如土礫而不求視民如赤子而不苛五事交修三異並集賡不負皇朝惠牧元元之意是以嘉穀休祥之應不在他邑而獨鍾於此也宜刊諸堅珉以紀盛美侯曰予惟薄德無實惠以及民苟以爲記又曷克以當其盛乎耆民復曰侯之職任治民事神而已今侯之營繕城隍之廟皆捐資以爲費飢力以興工而閭閻之民初無絲毫之擾至於典刑除弊以鼓舞斯民皆可以對越神明而無纖芥之外謬也是以冥冥之中假諸草木之靈產於仁風之地以彰其善耳杜侯猶以爲偶然而未之許也愚謂效忠者不闕於陰陽之委和盡節者不匿乎天地之委順今嘉禾生於野人情效於下苟坐視美瑞而不以爲記將使史無以傳信誌無以錄實而後之人終不得見太平之盛美其於人臣載筆之義何如哉杜侯感余斯言因紀述其事以爲補報之萬一云

劉公嘉禾碑記

韓邦靖

正德乙亥閏中澄城縣有禾焉一本二穗或三四穗至六穗遍於野歲乃大獲澄城者諸郡劉子貫道之治邑也劉子之治澄城也政甚美禾之生爲劉子也禾之生也澄城父老趙旺石秉常等數百人採之以詣劉子曰旺等老人竊伏山林久矣前後更令長數

十人無如令者竊聞德盛者天報之以福政善者天報之以祥今茲異禾意者其天之所報乎夫祥之生國之福也其以上劉子曰是烏足異氣以生物氣之所聚濃寡異數輕重異等大小異形長短異方匪惟禾也雖草木亦有之故有並蒂之蓮連理之木匪惟草木也雖物亦有之故有九尾之獸九首之鳥匪惟物也雖人亦有之故有重瞳之目並肩之體皆氣之所爲也夫氣所爲偶然耳烏足異父老曰嘗聞之嘉禾之書垂訓萬世有年之紀載之春秋夫周公之聖非導主以誇孔子之書非示人以不急者謹災祥重民事也古者黷粢之尊用以灌神故曰一稌二米和氣所生今日之祥何以異此劉子曰父老愛我矣然令無德焉不足以堪此父老乃歷階而上再拜進辭曰旺等山野鄙人無所知識然聞之君子矣物有所感類固相召天子修政則祥在四夷故海不揚波重譯斯至諸侯修政則祥在四境故楚王將薨厥有祥實大夫修政則祥在一家故三黷之降楊震乃陞今之郡縣古之侯國境內之祥非令而誰夫天之所彰不可晦也民之所與不可奪也君子不引高以違衆廢天以爲異令無辭焉劉子乃大笑曰父老勞苦矣其罷休就舍古人有言貪天之功以爲己力令也敢掠天之美乎卒弗上於是父老退而相讓曰吾令長者也奈何自張其在吾民乎私相刻石紀其事俾五泉韓子序之以詒來世昭令之休焉韓子曰夫循吏之致祥古有之矣張堪兩岐魯恭三異載之史籍彬彬然可考矣夫人民者天之心也故曰天視自我民視天聽自我民聽守令之職親民爲近其感名易矣

余姻有李生趙生皆從劉子遊爲余道劉子治邑甚悉其化俗似文翁斷獄似廣漢催科似陽城有文武材善治兵事澄城舊苦盜畏令屏息不敢發禾之生爲不誣矣

嘉穀亭記

邢嵩

或有問於予曰天可必乎曰可必於民而已矣天人雖甚懸絕而其氣常相通民心得天心得順氣應之爲順祥否則戾氣應之爲妖孽耳天人之際豈可誣哉太和古細陽也正德丁丑歲關中許公來蒞其政越明年戊寅夏麥之雙穗者百餘本撫按州郡已命鐫石屆秋成穀之並穎者倍前數耆民王能等亦叩撫按州郡而頌再命鐫石因徵記於余余往夏讀是邑瑞麥記始而喜既而惑無乃或然之數將民之矯誣耳且寰宇大矣天心仁且公矣瑞何一方有也及余有事入其邑適見政和人漢民戴公若父母然余之惑差釋即今民徵嘉穀記余之惑乃大釋矣蓋或然之數有於夏而歎於秋矯誣之私未有能繼其後者茲穀也既如麥之瑞於夏而民之記之亦不啻於前則天心之順民心之和信然矣余於是亦重夫天之可必於民也因爲之記

嘉禾碑記

張佳映

萬曆戊寅朱明改序暨彼南畝萬生嘉禾異穗同穎凡千本而含滋吐秀蔥蒨離披其乎匹麥之兩岐耦茅之三脊矣於是邑之父老子弟僮呼鼓舞以獻之邑侯芝陽張公張公不居其有而以歸之造物人士相與議之曰邑之敝也久矣惟是我侯惠利元元雖甫任半載而德覆萬姓在宋嘉定時有向之申者今

茲土亦感嘉禾之應至今圖形學宮六百餘年猶想見其人又何幸身親見哉考瑞應圖曰嘉禾者五穀之長長者德茂則生由茲言之張公何以辭也昔魯恭任中牟許謙守雁門並著良聲咸登嘉穀吾邑今年大稔民物恬熙謂非公之澤也諸博士弟子竊謂事有曠世而相代者公之謂也乃謀伐石與向碑並傳夫感召之理難以必至且今後之君子率由前軌以盡人事則諸公今日是舉也有風道矣三博蘇君蒸民滇南人張君倬葉君汝南俱貴州人弟子童儒蘇萬邦陳仰李一林等凡百七十餘人

禾穀部藝文二 詩詞

奉和聖製至長春宮登樓觀稼穡之作

唐蘇頌

帝迹奚其遠皇待之所崇敬時農務作盡力禹稱功赫濯惟元后經營自左馮變蕪杭稻實流惡水泉通國阜猶前豹人疲詎肯熊黃圖巡沃野清吹入離宮是聞京坻富仍觀都邑雄憑軒一何綺積溜瀉晴空禮節家安外和平俗在中見龍垂渭北辭雁指河東唐思方居鎬宸遊若飲豐寧誇子雲從祇爲獵扶風

觀稼

白居易

世役不我牽身心常自若晚出看田畝開行傍村落
纍纍透楊稼噴噴羣飛雀年豐豈獨人禽鳥聲亦樂
田翁逢我喜默起具杯杓斂手笑相延社酒有殘酌
愧茲勤且敬杖藜爲淹泊言動任天真未覺農人惡
停杯問生事夫種妻兒獲筋力苦疲勞衣食常單薄
自慚祿仕者不會營農作飽食無所勞何殊衛人鶴

古風

李紳

鋤禾日當午汗滴禾下土誰知盤中餐粒粒皆辛苦
太和戊申歲大有年詔賜百寮出城觀秋稼謹書盛事以俟採詩者 劉禹錫

長安銅雀鳴秋稼與雲平玉燭調寒暑金風振順成
川原呈上瑞恩澤賜閒行欲返重城掩舊聞歌舞聲

詠嘉禾合類 孟簡

玉燭將成歲封人亦自歌八方落聖澤異畝發嘉禾
共秀芳何遠連華瑞且多穎低甘露滴影亂惠風迴
表稔由神化爲祥識氣和因知典嗣歲王道舊無頗

嘉禾合類 無名氏

天祚皇王德神呈瑞穀嘉威時苗自秀證道葉方華
氣轉騰佳色雲披映早霞薰風浮合穎湛露淨祥花
六穗垂兼倒孤莖嫋復斜應同唐叔獻稱慶比周家

朝會樂章 宋史

彼美嘉禾一莖九穗農疇告祥史牒書瑞擊壤歌歌
如京委積畱獻春種昭錫善類

嘉彼合穎致貢升平異標南畝瑞應西成德至於地
皇祇效靈和同之象煥發祥經

宋大雅十三章 張商英

宋大雅十三章

宋大雅十三章

宋大雅十三章

宋大雅十三章

宋大雅十三章

宋大雅十三章

宋大雅十三章

宋大雅十三章

彼修者禾相臣報上也相臣得異禾於集雲峰下
高踰九尺分布七穗是歲天下大豐粒米復展場
屬功蹟而作是詩也

彼修者禾其穗七兮復古所無今感格令

戴在庚辰利見大人十有二祀而紀庚寅乾坤六甲
遇庚則新大人法天有華有因

皇帝孝仁堯禪神考適追先猷三代之道炳然規摹
百世之寶孰敢弗祗率意改造

敵自淵衷恪遵熙豐法非補充熙豐是同

乃戢干戈不勤遠略煩斂是獨冗官是削屏斥浮虛

尊敦儉朴舳艫尾銜沂流通洛

果幣既平商旅雲行四民樂化迭為重輕

乃疎禁網滌膏脂枉流離賜還鹿解禽放戴恩和順

涵泳曠蕩父子怡怡朋友交餉

百度孔修德澤旁流官知奉法吏畏納賄農夫熙熙

服我先疇桴鼓不鳴奠枕靡憂

職是善化有赫臨下陰陽泰通薰蒸陶冶惠雨柔風

太和塞野滂澍百嘉凡瓦禾稼

帝宅中天曷知其然四方郡國咸奏豐年豐年之象

何以昭宣爰有異粟八節如鞭

一本之上雙莖相向穗葉敷榮挺拔尋丈

高而不危神力扶持同而能異濟物是互

彼修者禾其實駢羅天子萬年本支蕃多

送吳叔舉主簿往清江受納秋苗

田頭作穀催入場一半白著輸官倉廬江主簿喜懷
撒放船樵鼓開帆檣蕭灘老農公事畢夾道歡呼羅

王庭珪

酒樂笑言歸去喚妻子今年租米兩平量

插秧歌

楊萬里

田夫拋秧田婦接小兒拔秧大兒插笠是兜裝糞是

甲雨從頭上濕到脚喚渠朝餐歇半霎低頭折腰只

不答秧根未牢時未應將管鵝兒與雞鴨

秋日

金趙元

禾穗纍纍豆角稠松前村落太平秋熙熙多少豐年

意都在農家社案頭

嘉禾瑞麥詩

明吳伯通

萋萋禾苗在彼東既有黍有粟靈雨膏焉益之靈霖

稼滋蕃鮮一莖三穗茲豈偶然父老僉曰我尹仁賢

尹不自居功歸於天和德於上吾皇惟乾乾則坤道

代終無愆卓哉令尹君子謙謙我昔持節宛洛十年

作人無效未負負焉披圖感媿早龍之篇安得嘉穀

於初三川

高啓

看刈禾

農工亦云勞此日始告成往獲安可後相催及秋晴

父子俱在田札札鎌有聲黃雲漸收盡曠望空郊平

日人負擔歸謳歌道中行鳥雀亦幸喜下啄飛且鳴

今年幸稍豐私廩各已盈如何有貧婦拾穗猶惻惻

嘉禾頌

解縉

聖治成和氣盈歲豐禾生同穎同榮夾雨勝十穗九

穗常合進乃有百穗車箱盈實乎實好浮光晶金堅

玉藻粲列星連華疊葉瑞氣蒸五色粲粲甘露凝連

疇競苗耆艾驚詩書所載信有徵獻於朝廷天子明
聖情謙抑稽之經史冊垂光萬歲承萬歲萬歲歌太
平

又

前人

洪武二十有八年秋九月壬辰北平末清衛之龍

門禾有異莖同穗之祥其三幹合為一仍三穗者

二其二幹合為一仍二穗者六是歲大熟今上皇

帝遣使來進羣臣表賀太祖高皇帝親御墨為詩

一章以賜今上皇帝其詩首言創業之艱天命之

不易除暴禁亂之師撫民致治之略中言天賜豐

登之屢史書垂示之嚴明堂禮薦之重末示謙冲

戒謹之意為善不足之誠大矜下民之惠與民同

樂之盛心溢於言表蓋不以嘉禾為可矜而以爲

可懼而思以自勉聖不自聖兢兢業業足以垂訓

於千萬年今上皇帝服膺聖訓念手澤之存諷誦

追惟不能自已乃末樂二年九月朔日舉勅於石

石拓本裝治成軸分賜諸王及近臣於是臣縉亦

得與賜焉又適有嘉禾之瑞臣縉仰惟日月之光

華昭著於天地其溢而上者為慶雲為景星為霞

五色其下者為璿珠為美玉為丹砂使人欣慕而

寶愛者皆日月之餘光也古先聖帝明王有日月

光華之德其禮樂文章流風遺韻之傳若詩書所

紀百世之下光景常新猶足以使人忻慕於景星

慶雲諸福之物同一快觀而況身被其澤目睹其

盛鼓舞涵濡其有不發而為華封之祝康衢之謠

以自鳴其慶幸之萬一乎實人情之所不能自已

也拜手稽首而獻頌曰
洪武乙亥秋穀登朔方龍門嘉禾生三穗二穗交兩
膝異本同穎同敷榮茲珠金粟隔露凝觀鴈貢來
神京玉匣上有黃雲蒸衣衣當日御彤庭百辟忭嘉

陳休徵四野歡呼傳頌聲帝曰俞哉稽之經旅命歸禾稟不矜作詩致戒大丁寧昌言受命畏天明降福穰穰恐勿勝庸錫親藩鍾聖情亦知元德由茲弘十年事驗天威靈聖孝通天推至誠永樂重華信有祇賜詩日閱心屏營手澤猶存訓服膺每御翰墨懷瞻羹想當虞思玉几憑知周八極迴香冥重念稼穡憂農耕暑寒怨咨憐獨焚祇願年登百穀成羣臣環列忙且驚百神降鑒來軒盈雲霞灼燦飛陶泓鴻章聖藻驅風霆造化萬彙皆流形工巧人爲何足稱奎章爛爛不可名但見東壁餘光精刻以端溪紫玉英摹本裝以龍鸞綾頒賜羣臣荷寵榮天球大訓河圖并人文至寶奠八紘夜夜虹光燭太清聖子聖孫萬億齡萬世黎民歌太平

瑞麥嘉禾頌

李三友

野有麟兮麟有角麟角雖可珍何如一莖雙穗麥與穀穫之穫之萬民無枵腹嬌首頓足何以爲祝豈弟君子萬年遐福

又

野有鳳兮鳳有圖鳳圖雖可珍何如一莖雙穗穀與麥穫之穫之萬民無菜色舉手加額何以報澤豈弟君子斯男斯百

瑞麥嘉禾吟

張朱明

君不見漁陽太守張堪麥雙秀分芒相絡繹又不見中牟仙吏魯恭禾聯附共蒂兩婆娑奇蹟當年各一爾千載猶能馨青史何况如今一歲中諸漬次第見芳叢翠浪重重翻夏日金莖落輝秋風倚與嘉瑞豈徒然爲有神君是呂虔當衙密韻流焦尾行部潘

花照錦鸞瑞鳳祥麟公可伍休徵所以致阿堵願得令公常似公寧愁穀賤不如土

穀靡靡

王道

穀靡靡青剗將來強半稅急忙春米送官倉只恐秋風馬塵起官倉遠在蕎麥山南梯直上青雲間梯危一上八九里之字百折繁迴環幾誰說向監倉使斛面莫教高一指請君沿路看擔夫汗顆多於所擔米

禾穀部選句

漢張衡東京賦所貴惟賢所寶維穀

鄭氏婚禮諷文贊嘉禾爲穀班祿是宜吐秀五七乃名爲嘉

名爲嘉

魏曹植社頌靈稼阿那一禾千莖

唐李翰屯田頌嘉禾一穗江淮爲之康嘉禾一歉江淮爲之儉嘉禾在倉吳之壤最腴

古詩中庭生旅穀

晉阮籍詩豈若西山草琅玕與丹禾

周庾信詩嘉禾雙合穎稻熟再含胎

唐杜甫詩縱有健婦把鋤犁禾生隴畝無東西

韓愈詩飢食玉山禾

張籍詩田有嘉穀隴數畝穗亦同

宋夏竦詩眉山遠地蜀山西九穗嘉禾忽效奇

黃庭堅詩不春玉粒送官倉

金元顏璿詩禾短新村墅

元王渾詩嘉禾歲芊芊

欽定古今圖書集成博物彙編草木典

第二十四卷目錄

禾穀部紀事

禾穀部雜錄

禾穀部外編

草木典第二十四卷

禾穀部紀事

路史神農氏生三辰而能言五日而能行七朝而齒具三歲而知稼穡殷戲之事必以黍稷日於淇山之陽求其利民宜久食之穀而毓之天感嘉生菽粟誕蒼爰求收拾剛壤地而時焉已則厘年五千偕至神農灼其可以養民也於是因天之時分地之利堡土曉穢燒樵埤野以教天下播種嗣瓜瓞之實而省殺生之敵始諸飲食悉民乃粒稷音豫若天命正氣節審寒暑以平早晚之期謂人之生太倉爲主而太倉穀爲主天下萬物亡以易於穀於是斲木爲耜耨木爲耒耨耨髮跋荒野制淸明分龍斷而戒之耕然後六穀穰以供衆盛而給軍國音耕命那夭作扶犁之樂制豐年之誅於是神農澆嘉穀苗乃命耕封作穗書以同文放令月令疏神農之治天下也甘雨以時百穀蕃殖賈誼書神農耨百草之實察鹹苦之味教民食穀

拾遺記炎帝時有丹雀銜九穗禾其墜地者帝乃拾之以植於田食者老而不死路史炎帝神農子也七歲有聖德佐神農氏殖百疏區百穀別其疏滋深耕聖作以典歲天均時而地均財於是神農之功廣而天下殷賑矣亦曰列山氏五帝以來稷之黃帝有熊氏命桓常審乎地利以爲常平於是地獻草木乃述耕種之利耨比辨乎東以爲土師而平春種角穀論賢列賢勸耕飭禁伐厲庸光辨乎南以爲司徒而正夏種芒穀修馳戒僇發宿藏靜居農以戒力以寬夏功種房穀以應戊己之方大封辨乎西以爲司馬玩異禽種蓬穀收穀薦祖組甲厲兵戒什伍以從事后土辨乎北以之李有說行冬斷罪種稷穀刺箭伐木乃勞農始獵殺按注角穀菜豆芒穀小麥房穀麻蓬穀麥金穀故秋種夏死收穀菽水穀黍火穀見金而成也穀以下無註自是穀以下原本亦多脫字大戴禮黃帝播百穀草木節用水火財物生而民得其利百有民畏其神百有民亡而民用其教百有民故曰三百年史記五帝本紀黃帝考定星曆立五行民神易業敬而不瀆故神降之嘉生也穀路史帝學高辛氏上妃有駘氏曰姜嫄清淨專一而好稼穡生弄性數而仁戲惟稷黍長研耕稼爲唐天官及事虞夏以耕織爲本教發苗糞土別五土之宜教民時藝嘉穀致飴有相之道虞帝乃國之號號后稷勸百穀而山死取姑人是生稷爾世濟其德盤蜚生叔均是代其父及稷播穀是爲田祖自商以來祀

之世爲后稷帝堯陶唐氏命弁爲大田職司命播嘉穀辨五土之宜教民稼穡書經虞書舜典帝曰棄黎民阻饑汝后稷播時百穀夏書禹貢五百里甸服百里賦納總二百里納銍三百里納結服四百里粟五百里米按蔡注禾本全曰總刈禾曰銍半粟也半粟去皮曰結謂之服者三百里內去王畿最近非惟納總銍結而又使之服輸將之事也獨於結言之者總前二者而言也粟穀也內百里爲最近故并禾木總賦之外百里次之以刈禾半粟納也外百里又次之去藁藁皮納也外百里爲遠去其德而納穀外百里爲尤遠去其穀而納米蓋量其地之遠近而爲納賦之輕重精蘧也禮含文嘉禹垂意於溝洫百穀用成周書金縢秋大熟未穫天大雷電以風禾盡偃大木斯拔邦人大恐王出郊天乃雨反風禾則盡起二公命邦人凡大木所偃盡起而築之歲則大熟尚書大傳成王時有苗異冀而生同爲一穰大穰盈車長充廂人有上之者王召周公而問之公曰三苗爲一穰抑天下其和爲一乎果有越裳氏重譯而來史記魯世家唐叔得禾異母同穎獻之成王成王命唐叔以餽周公於東土作餽禾周公既受命禾嘉天子命作嘉禾拾遺記成王卽政五年有因祇之國去王都九萬里貢嘉禾一莖盈車故時俗四言詩曰力勤十頃能致嘉穎穆天子傳天子西征至於赤鳥之人曰是惟天